



Arubaanse Courant

Anja 25

DIALUNA 27 APRIL 1964

DEPARTAMENTO A.N.A.A.B. A EFECTUA HOPI COS CABA

ORANJESTAD, 27 di april - Departamento di Aruba di Algemene Nederlandse Antilliaanse Ambtenaren Bond, cu lo celebra dia 2 di mei venidero su jubileo di plata cu un fiesta grandi na P.O.V.A., por mira atras riba un cuatro di siglo, na unda pa e miembronan, hopi biaha por efectua mejoramentonan importante. E departamento Arubano a worde forma dia 20 di mei 1939, cu prome directiva provisional dr. J.R. Arends como presidente, W. Gollo como vice-presidente, J.A. Maduro como tesorero y sres. C.C. G. Philipszoon y H. Oduber como prome y segundo secretario.

E prome directiva a worde eligi dia 3 di januari 1940 y tabata tin asiento den e directiva ey sres. J.R. Arends, Philipszoon, Gollo, H. Oduber y L.C.M. Kerstens. Pa celebra e hecho alegre aki a worde dicidi, na e reunion mes, pa organiza un encuentro sociable na Chesterfield restaurant, na unda nan a bay den un taxi.

Un di e prome actividadnan di e bond tabata principalmente basa ariba di construccion di casnan pa ambtenaar nan tabata tin exito cu esaki, locual ta worde must-

tra cu esaki, cu na september 1940 por a huur 7 miembro un cas. Despues a bini e hizamento di huur na aña 1942, pero e honor cu tabata tin un influencia masha frenativo riba e bida di reunion a bin para mei-mei. Despues di guerra e bond a bolbe lanta di nobo. A worde efectua e siguiente:

FATUM
Pa tur bo aseguronan
Tel. 1845

E reglamento di verloff 1946; e decision nacional, deliberacion organiza na aña 1946; e disposicion ambtenaarnan administrativo aña 1947; e disposicion orientacionnan pa ambtenaarnan aña 1948, arreglo di salario aña 1948; e deliberacion Aruba organiza insularmente; e gastonan di biahe vivires, besluit aña 1948; aumento y duurtetoelag 1948; arreglo di voorschot pa e ambtenaarnan; aumento di placa pa yiu arreglo pagamento di medionan di transporte 1949; arreglo duurtetoelag pa esnan cu bay cu pensioen; seguro contra riesgo di biahamento etc. etc.

Na 1945 e miembronan di Aruba a haya e corant "De Ambtenaar der Nederlandse Antillen" de vez en cuando hopi ambtenaarnan a worde juda cu nan dificultadnan door di e bond. Pa esaki a worde funda na aña 1946 e "Stichting Steunfonds Ambtenaren". Un di e ultimo trabao nan di e bond tabata e fundacion di e "Stichting Recreatie Oord" pa e ambtenaarnan. Durante a añanan varios ambtenaar nan a haya puesto den e directiva. Como presidentenan tabata: Arends; J. Pauw; S. Dirkmaat; J. van Zijl; y A.J.J. van Velzen. Actualmente ta sr. H. T. Lopez. Semper e miembronan di e directiva a ocupa nan tempo liber pa haci e arreglonan aki riba menciona worde realiza, y pa zaag y schaaft na diverso arreglonan, hopi biaha cu exito, dado na e hopi cambio nan cu a worde treci den e arreglonan aki. Te ainda e directiva ta luchando pa mejoramento di e arreglonan aki. Cu esakinan ta necesario ta worde manifestado semper na e reunion general pa miembronan. Cu e bond a crece durante e

añanan, ta worde muestra di e siguiente cifranan: dia 1 di januari 1945 e bond tabata tin 105 miembros, dia 1 di januari 1964 e tabata tin 653 miembros. E entradanan tabata na aña '45: Fl. 2435, - dia 1 di januari 1964: esaki tabata caba Fl. 8139, 56. Den e directiva actual tin e siguiente personanan: H. Th. Lopez (presidente); G. Brinkenberg (vice-presidente), K. Norder (secretario) 5.A. Ruiz (tesorero), P.G. Susebeek (segundo secretario), G.A. Krist (segundo tesorero), Comisarijonan G.B. Figueroa; S. Mars y L.G. Frans.

STRAND HOTEL TA HAYA 80 CUARTO

Oranjestad - Strand hotel cu a worde construi na 1943 door di senyor Charles Neme, pa e tempo ey e hotel di mas grandi y di mas bunita di Aruba, y cu actualmente ta bandona y hopi verwal, pronto lo worde restableci trobe y lo por competi un biaha mas cu e mehoran di nos isla. Despues e hotel a worde cera, e la worde usa como un lugar pa oficina y lugar pa algun soltero biba. Despues e la keda sera pa basta tempo. Parse cu awor un Mericano, kende algun tempo pasa a lanta un empresa di verifmento na Aruba, a compra e hotel for di Neme y ta camna cu e plan pa drecha e hotel aki, haci e mas grandi pa habri trobe pa e temporada di turismo venidero. E cantidad di cambernan cu actualment e ta 23, lo bi-

Diasabra mainta trempa e portavion Hulandes Karel Doorman a dretea den haf di Oranjestad. Aki nos ta mira cu apesar di e ora tempran cuanto interes tabatin caba.

ra 80, mientras cu nan ta pensa di traha un piscina di awa dushi, y tambe un nightclub. E inversion total pa habri e hotel aki nobo ta worde calcula como millon florin. Nan ta spera cu pa tempo cu e hotel habri trobe e monton di santu blanco cu tin su dilanti lo wor-

de kita. Pa motibo cu e ta kita bunita bisti cu tin for di hotel ariba e laman, cu hopi biaha ta e atraccion grandi di e hotel aki, cu ta obliga e visitantenan di tira un sam-buja den e awa blauw di lagoen. Segun nos a tende e hotel a worde bendi pa fls. 150.000.--



Diabierne mainta gezaghebber di Aruba a sali abordo di "Prins der Nederlanden" di NKSM pa un verloff di seis luna na Hulanda. Hopi di su amigonan y conocirnan a dunele un cordial despedida. Aki momento cu e bapor ta saliendo for di haf di Oranjestad.



SABOR CU NUNCA TA
VARIA

IT NEVER VARIES.

GOBERNADOR MIEMBRO DI HONOR CLUB SURNAM



Durante un fiesta cordial diarazonanochi, gobernador N. Debrot a worde proclama como miembro di honor di Club Suriname. Bisti cu su krans di Faja Lobbies e gobernador a gradici pa e honor cu nan a dune.



Un di e kotto messiesnan joven y mas char-
mante ta: Hellen Hohammed.



Sra. Ursula Krolis a pasa e krans di honor na
garganta di gobernador y el a worde recompen-
sa cu un sunchi.



Tres indian chikito pero di berdad, kendenan a worde adopta pa famianan Surnamenjo cu ta biba na Aruba. Di robes pa drechi: Rita Sommer, Jetta Jubitana y Stella Devair.



Un otro idea di e festividadnan cu a worde teni den club Suriname diarazonanochi. Gobernador Debrot (robez) den un combersacion anima cu sra. Vera Henriquez, señora di gezaghebber e miembro di Staten Surnamenjo E. Finck.

OPENBAAR GEHOOR

De Wnd. Gezaghebber van het eilandgebied Aruba maakt bekend, dat hij op donderdag 30 april a.s. des voormiddags te 11.30 uur in het Cultureel Centrum openbaar gehoor zal verlenen ter gelegenheid van de verjaardag van Hare Majesteit Koningin Juliana.

Kleding vrij.

SHOE
REPAIRS

CHARLES
BAARH JR.



servicio rapido y competente. Nos experiencia ta bo garantia.

adres:
Schoenmakersbedrijf,
Charles B. Baarh, Jr.,
Zandstr. No. 3 O'Stad (banda di Zepp Wever)

TERITORIO INSULAR DI ARUBA

Ontvanger di Territorio Insular di Aruba ta participa abonadonan cu no a paga nan abono di TELEFOON DI LUNA DI APRIL 1964 cu aanmaning lo ser ponf na post dia 29 di april 1964 y cu for di 4 di mei 1964 lo cuminsa cobra gas-to di aanmaning pa abononan di april 1964.

Bautismo di Prinses Irene

DEN HAAG, april - Tocante e asunto di bautizo di Irene,

tocante tabatin consulta tanto for escrito como ora cu e moderamen di iglesia reforma y cardenal Alfrink, e moderamen lo ricibi un carta pronto di cardenal Alfrink den cual henter e asunto ta worde aclara.

Aruba A DRENTA "Jet Age"

TRANS CARIBBEAN SU "5th ENGINE FAN JETS" TA SALI FOR DI
ARUBA PA NEW YORK PA SOLAMENTE \$78,25 PA VUELO ★

Bo por sali for di Aruba cualkier Diamars, Diabierne of Diadomingo. Un "Fan Jet" ta hibabo San Juan den menos cu un ora, y bo por baha na New York den menos cu cuater ora.

(Sin cambia avion)

E avionnan di Trans Caribbean tin cuater motor grandi di jet cual ta du-na e avionnan e rapidez y e forza di 5 motor di jet ordinario.

Nunca un vuelo tabata asina suave, calmo y asina confortabel, manera den un "5th Engine Jet." Bisa bo agente di biahe cu bo ke bai cu Trans Caribbean.

★ Basá riba un tariva di excursion "round trip" di 15 dia, saliendo for di Aruba.



TRANS CARIBBEAN
THE '5TH ENGINE' FAN JETLINE

Exposicion Venezolano



Senjor Cliff Randall, representante di Rotary International na e convencion cu a worde teni algun dia na Aruba, diaBierne atardi a corta e sinta dje exposicion di e productonan Venezolano y asuntonan tocante turismo di e pais aki.



Senjor Randall durante su discurso.



Despues dje inauguracion oficial, tabata basta druk na e bar: cocktailnan traha cu licores di Venezuela tabata sabroso.



Miembro di Staten Marco Henriquez, tabata completamente satisfecho. E hospitalidad tabata masha cordial y abundante.

Diabierne atardi Rotarianan na ocasion di e conferencia na nos isla a pone un krans na e busto di Simon Bolivar na O-ranjestad. No tur interesadonan a bini nechi bisti manera por weyta ariba e portret, na robez Senjor G. Nouel durante su discurso.

Tambe nan a pone un krans na e monument di Reina Wilhelmina. Na drechi Senjor Cliff Randall. Mas na robes di e grupo Rotario Samuel Rosen blat di Caracas.



Show di Moda na Bolivariana pa e Rotrionan



Bao direccion di Winnie Blok tabatin un show di moda pa Rotarionan y nan dams den un sala yen di Bolivariana tabata un modeshow di "Eva Boutique" aki nos ta mira un dje modelonan - charmant di Rotary Ann.



Final dje modeshow mira for di e balcon.



Tambe e miembronan di e Interact Club cu recientemente a ser inaugura na Aruba tabata presente-. Aki nos ta mira Karel van Bochove, vice-president di e Interact Club jenando su tajo cu un lunch prepara pa señor Jean Marie Hoen di Trocadero. Karel cu orgullo tin e emblema bisti cu e la hanja regalo for di Rotary.



Poco prome cu e modeshow tur e ex-gobernadornan di e distrito a ricibi un plaque di ora como recuerdo. Señor Gustavo Nouel di Aruba tabata un di nan. Aki nos ta mirele cu su paki cu e la caba di ricibi for di man di señor Cliff Randall.



Akinan nos por mira den un grupo (di robes pa drechi) gobernador di distrito Dr. Casas Rincon, Cliff Randall y gobernador Debrot.



Tres rotarios Arubano cu ta mirando e exposicion trankilmente: di robes pa drechi Sres. H.F. Couzy, Jerry de Veer, Dr. V.L. Reeve y P. Van Dam.



Famia Jobes prome cu e accidente, completo y feliz.



Pa e zusternan tabata un encargo basta trabahoso, pasobra ariba nan cabez e mulinanan dje helicopter tabata draai. Den centro dokter Hazenberg, kende a haci e operacion ariba e patient. Completamente na robez señor Joe Margaretha di ambulance.

Fotoreportage di drama Charles Jobes

E tecnico Charles Jobes di Radio Victoria, kende diabierna atardi despues di un operacion urgentemente mester a worde transporta cu helicopter di Aruba pa Corsow pa tratamento den Sint Elisabeth Gasthuis na Willemstad, a muri aya.


Señor Jobes un siman prome ariba un diasabra durante cu e tabata instala un antena di casi diescincio meter haltu a cai for di e mast. E heridanan cu el a haya a resulta fatal.



Ariba un brancard e patient despues dje operacion a worde hiba pe helicopter di MLD cu tabata spera ariba terreno di San Pedro Hospital.



Señor Jobes ariba su brancard den helicopter. Tabata diabierna atardi unor y mei.



Diabierna anochi diez or restonan mortal di señor Jobes ta bolbe Aruba y abordo di KLM pa su entierro.

Charles Jobes a fallece den tanki'presion na Corsow

ORANJESTAD, 27 april - Tur intento pa salba biba di e radio tecnico di Radio Victoria, Charles Jobes a fracasa. Urgentemente nan a transporta señor Jobes diabierna siman pasa pa mas o menos 12'or y mei, cu e helicopter di Marine Luchtvaart di Aruba pa Corsow pa na Sint Elisabeth Ziekenhuis nan ponele den un hoge druk tank. Poco despues di su jegada na Corsow sin embargo e la fallece. Diabierna anochi mes su resto mortal a worde treci pa Aruba, na unda su entierro a tuma lugar diasabra atardi bao di un interes enorme.

E hoben simpatico Americano a muri seis dia despues cu e la cai for di un maste di televisior di 15 meter na su cas. Varios anja caba e ta un dje mehor techniconan di e radio station na Pos Chiquito. Hopi biaha e sa subi e maste grandi di Radio Victoria, y awor trahando un maste chikito na su mes cas e desgracia aki a pasele. Cu e accidente aki tur su plannan di dje y su senjora a worde termina di biaha. Poco prome el a hanja su brevet pa radio amateur. Cu diferente fractura siman pasa el a worde hiba pa San Pedro Hospitaal.

un fractura complicada den suenkel. Diabierna mainta nan a dicidi pa amputa su pia. E operacion mes a bai bon, toch ariba consejo di dokter Hazenberg, kende a haci e operacion, tabata necesario pa hibeles Corsow paponele den un hoge druk tank. Di tal manera onverwacht diabierna atardi un helicopter grandi di Marine Luchtvaart dienst a jega Oranjestad pa transporta e patient.

E helicopter a baha ariba tereno di hospital mes, na unda e patient, huntu cu dokter Hazenberg y un verpleegster a barca mesora pa sali pa Corsow. Senjora Jobes no por a bai cu e helicopter pa motibu cu no tabatin lugar. Inmediatamente Sr. - Pietsch, gerente di Radio Victoria a jama K.L.M., pa informa ki ora e siguiente avion di KLM lo sali pa Corsow. Ora cu nan a bisele cu e delaster avion dje dia ey tabata preparando pa sali, y cu e situacion a worde clarifica KLM a dicidi di wanta e avion 20 minuut mas pa duna e senjora oportunidad pa biaha cu e avion aki. Gobernador Debot cu tabata abordo mes ora a duna su aprobacion pa spera. Gracias na e servicio especial aki senjora

Jobes por tabata cerca su esposo den su ultimo momentonan na Corsow.

Cu un avion di charter di KLM for di Corsow restonan mortal di Jobes a bolbe Aruba, huntu cu otro restonan mortal di senjor Leonardo Maduro (67) anja di Santa Cruz, kende a fallece na Corsow. Despues di e servicio nan di rouw den Iglesia di Evangelistanan na Oranjestad e entierro a tuma lugar diasabra atardi.

Senjora Viuda Jobes tabata un ehemplo di hende balente cu fe den Dios. Tabata e mesun senjora cu tabata apoya su suegra cu palabranan di animacion. "Dios no ta haci kibocacion", parce cu e senjora a bisa. "Nos a worde separa di culpa, pero di almanos separa di culpa, pero di almanos a keda cerca otro y un dia nos lo mira otro trobe.

Viuda Jobes a expresa su deseo pa keda biba y traha na Aruba den su trabao di mision na cual e ta sina construmbra caba y den cual e ta hunga un papel asina interesante. E hendenan di Radio Victoria ta masha contento cu e desicion aki. Viuda Jobes ta mama di dos jiu chikito.

Gomez, assistent den fotolaboratorio di departamento di public relations di Lago, recientemente a sali pa Merca, na unda gracias na un beca di estudio di Stichting Studisteun di Lago por participa na un curso di dos participa na un studio di dos luna den fotografia. E ta bai na New York Institute of Photography.



C. B. E. Gomez

Senjor Gomez a pasa un curso por escrito caba di e mes instituto. Na New York e ta spera di hanja su certificado como profotograaf. Senjor Gomez a drenta servicio di Lago na anja 1957 tempo cu e la gradua na Vocational School di Lago.

ROBO DI MUCHA NA VENEZUELA

CARACAS, april - Den henter Venezuela polis ta buscando awe 4 mucha, cu a wordu secuestra pa un muher llama Maria Casimira Padron de Tagauruco. El a hiba e muchanan cerca su famillanan. Dos dje muchanan cu ya el a secuestra un biaha caba, a wordu hiba a yera cerca nan mayornan. Un di nan, cu ta perde foi 4 aña caba ta considera e otro su ruman muher, masha cu nan no ta familia. Segun polis e secuestradora a sorru pe muchanan manera ta su propio jiu. Nan a hiba e un instituto pa investigacion psicolitico.

O.WERNET MEHOR IDEA DI MAART

Oranjestad - Senjor O. Wernet di departamento tecnico di Lago na Maart a entrega e mehor idea pa su compania. Esaki a percure pa e la hanja un premio di fl. 100.- Na tur durante di Maart Lago a paga fl. 710.- na premio pa ideanan.

GOMEZA HANJA BECA DI LAGO

Seroe Colorado - Senjor C.B.E.

Drenta y waak nos surtido grandi di articulos pa damas, caballeros y mucha.



Tambe nos tin COSMETICO y PERFUMES

PANJA y otro articulos pa BABY.

FANNY'S SHOPS
ORANJESTAD -
San Nicolas.

BCTICA ARUBA
Personal competente
+ Maquinaria moderna
= Servicio excelente.
Jama No. 1080 - 1081
of 1180
y nos ta busca bo recept y entrega e remedi na bo cas.

TA HUUR
UN CAS MUEBLA NA
TANKI LEENDERT -
196. PA DIA 1 DI MEI,
PA 4 LUNA.
Pa mas Inf: E. Fingal,
Tanki Leendert 196, of
tel. 2985.



No mucho tempo despues e noticia a worde lanza den aire pa Radio Victoria pa suplica tur su amigonan pa reza p'e, pa motibo cu su situacion a bira asina serio, cu nan a cuminsa ta perde speranza. Mas critico su situacion a bira ora cu su pia a hanja infeccion na unda e tabatin



ROTARY CLUB

DI ARUBA


Ta gradici pa medio di esaki sinceramente

tur instancia of persona cu di un manera of otro a coopera

pa haci di e 25 conferencia di Distrito 435 di Rotary International celebra na Aruba,

un exito asina rotundo, na completo satisfaccion

participantenan.





Riba e foto aki nos por mira dos gobernador: un di Antillas Neerlandes y un di e distrito di Rotario, resp. Mr. Debrot y Dr. Casas Rincon (para).

Aki nos por mira e representante di Rotario internacional durante e convencion; Sr. Clifford A. Randall, "Cliff", ta manera su amigonan ta jame.



Un bista durante e ceremonia durante e apertura. E coro "Vivons en Chantant" ta cantando bou direccion di Sr. Schermer, e himnonan nacional. Nos por mira e invitadonan di honor, entre cual nos por reconece gobernador Debrot y gezaghebber interino de Cuba facilmente di nan lomba.



Un idea di e cantidad di banderanan cu e solemnidad di apertura a worde habri dia Huebes anochi den Centro Cultural. E banderanan ta worde carga door di padvinder nan y diferente gruponan di Aruba.



Tres Rotarianonan halto den combersacion: di robes pa drechi gobernador Casas Rincon, - presidente di e club Arubiano Dolfi Oduber y Sr. Albert Raven, kende tabata maestro di ceremonia dia Huebes anochi.

E momento cu Sra. Estelle Debrot-Reed, esposa di gobernador ta habri e cinta di e exposicion "House of Rotary Service".

Ministro Petronia y senjora tambe tabata presente dia Huebes anochi. Aki nos ta mira nan contemplando e exposicion di Rotario.



Falta solamente 2 dia mas y..... RON REY DE COPAS TA REGALA FLS. 3000.--

Na su consumidornan

Simplemente duna e nombenan pa e tres rumanan .

E tres rumanan ta e 3 popchinan den show window na

oficina di Ron Rey de Copas - Wilhelminastr: 47

Tin un premio di fls. 1000.--

pa cada nomber favoreci



"Las tres hermanas" otro concurso sin igual cu
fls. 3000.-- pa regala!

REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastr. No. 47 y bo ta hanja un formulario pa yena bo nomber y direccion y e nombenan pa e tres rumanan.
- 2) Entregá e formulario aki yena na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 29 di april 1964 y cobra bo placa si e nombenan cu bo a duna ta e nombenan favoreci.
- 4) E mes persona por yena cuanto formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogi.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.




REY DE COPAS

ARUBA DISTILLING CO.

Wilhelminastr. 47

Tel. 1266

LANDSKANTOOR NOBO: SUFICIENTE ESPACIO



Actualmente nan ta trahando duro pa e ultimo toke pa termina e landskantoor nobo den Boerhaavestraat. Ya caba tin algun servicionan cu a ocupa nan puestonan nobo caba, e.o. Landsfinancien, Landsaccountantsdienst di Cultura y Educacion. Espacio ta e palabra cu ta mas caracteristico pa e magnifico edificio nobo aki. Na e piso mas abou Postkantoor ta haya un espacio, manera si e tin di regla henter e post di New York. E superficie cu director di Postkantoor J.C. Quast ta haya awor na su disposicion ta tres a cuatro biaha mas grandi cu esun den e edificio bieuw. Parce cu diferente ambtenaar mester duna otro respondi cu megafono, pasobra un distancia di algun meter ta separa es un huki di e bunita postkantoor di e otro. Tambe na e piso di ariba, caminda lo bini diferente servicionan di Land, tur ta mescos espacia. E sres. accountantnan tin un bunita bista den nan oficina aire- acondicionado, cu ta jega te na e Hooiberg. Nos por mira con bida di negoshi ta saca bon partido den su oficinanan cu espacionan disponibel, y con den e oficinanan di comercio milagronan ta worde haci riba e terreno, pa pone junto mas tanto personal y cashi posibel riba un espacio mas chikito posibel, sin cu e marcha normal di e negoshi worde stroba, den e Landskantoor aki bo ta hayabo tur caminda cu e impresion di un sala di baile; e aspiracion pa e proximo siglo cuatro por crece y apesar di esey tin e espacio. Locual tur hende por lo demas ta envidia tur e ambtenaarnan di Land. E potretnan ta duna un idea di e estadonan actual. Den e Postkantoor tur hende ta trahando duro pa kita tur e spatnan di verf cu tin na e bentana y murayanan (portretnan) y 2), hefe di Landsfinancien A.C. Koolman (foto 3) ya ta sabroso instala den su oficina nobo, pero algun cuartonan no ta asina leeuw, y esey a keda na cuenta di e damasnan cu ta limpia e cuartonan. E bunita edificio a worde traha pa "Petronia & Croes".



FIESTA DI ANJA DI LA REINA

Paradera - Oranje Comite di Paradera a bolbe organisa un programa pa fiesta di aña la Reina. Seis'or di mainta e klok di misa di Paradera lo bati, pa seis'or y mei lo tin sacrificio di misa. Pa 8'or y mei ceremonia solem di hisamento di bandera, pa despues

cuminsa cu e pustamento di vlie. tin tambe pustamento di auto seg ta para ariba e programapa 10'or, mientras cu e weganapopular lo cuminsa pa un'or.

Ariba e programa ta para varios otro pustamento manera, sutamento di cusinchi, pasarenchi cu bicicleta, coremento den sacu pa caballeros, pustamento di careda pa caballeros halamento di cabuya, corre loco, corremento den sacu pa damas, pustamento di careda pa damas, subimento di palu seba, midi forsa, y bailamento di stoel. Pa 1.30 di atardi lo tin partimento di cos dushi y wega pa muchanana di school. st. cruz.

Na distrito Santa Cruz e weganapopular lo tuma lugar na Caba Lodo, ariba e terreno di futbol di Arsenal. Pa nueb'or di mainta e fiestanana lo cuminsa y cu lo ta bao direccion di bestuur di Arsenal, pa nueb'or y mei lo tin pustamento. Pa dies'or ta sigui bula haltu y bula leeuw pa hoben y bieuw. Dies'or y mei ta pustamento di bicicleta, tur hende tin mag di participa den e pustamento aki. Lodemas tapara ariba e programa: 11.00 corredonacuto - 12.30: pustamentodi vlie - 1.00 pustamento den sacu, 1.30 pustamento di careda - 2.00 subimento di palu seba, 2.30 midi forsa - 3.00 corre wowo tapa, 4.30 bringamento di cusinchi, 5.00 come cu man mara - 5.30 corre duro cu bala den cuchara - 6.00 corremiento cu pia mara, 6.30 fin dje fiestanana.

E proceso Auschwitz

FRANKFORT, 25 april - Senyora Dunia Wasserztroem, un hudi na Rusia cu actualmente ta biba na Mexico, a declara den e proceso Auschwitz como testigu cu Wilhelm Boger, un di e principal acusadonan den e proceso, un blaha a yega di quita un appel for di un muchacha, a pieche cabez di e mucha contra un muraya y despues a come e appel e mes.

Senyora Wasserztroem a wordo obliga pa laba e sanger for di e muraya.

Prome cu esey el a mira cu e mucha, di cuater of cinco anja, huntu cu otro muchanan a wordo trece den e campo.

Senyora Wasserztroem tabata traha como interprete den e departamento politico di e campo. Boger a ninga loke senyora Wasserztroem a declara.

E CONFERENCIA DI DESARME NA GINEBRA

GINEBRA, 25 april - E conferencia di desarme na Ginebra a dicidi pa otro siman bai cu vacacion te dia nuebe di juni. E delegadonan a tene e posibilidad abri pa otro siman tene un reunion mas, di moda cu tur delegacion por a hiba palabranan ainda.

E conferencia a reuni for di dia 21 di januari riba desarme parcial sin cu a logra adelanto practico.

Despues di e reunion e delegado Ruso a duna occidente culpa cu no por a logra un progreso. El a haci un peticion riba e conferencia pa considera e proposicion Ruso di nuebe punto cu entre otro ta contene destruccion di tur bombarderonan, haca Alemania territorio liber di arma nuclear y menguacion di e groting di defensa segun porcentage.

AGENDA

ARUBAANSE COURANT
diariamente cu excepcion di
diadomingo
suscripcion f. 3.25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.
Imprimi na:
N.V. DRUKKERIJ
„DE STAD,”
Telefoon 1116 Directiva y redac-
cion, 2116 Anuncio y subscrip-
cion.
Directeur hoofdredacteur:
D. Wolff.

POR CUMPRO ARUBAANSE
COURANT NA E SIGUENTE
LUGARNAN.

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

RADIO CARACAS TELEVISION

8.45 Senderos de luz
9.00 T.V. Educativa
10.00 Documentales,
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y apar te
14.45 Estudio de Hector Monte-
verde
15.15 Perfecta ama de casa
15.45 Aventuras P opeye y Yeyo
16.00 Mejias y sus muchachos
16.45 Tic Tac Toc
16.55 Busque su marca.
17.15 Loteria.
17.30 Revolver a la orden.
18.00 El Santo.
19.00 Los detectives.
19.30 Pajaros de acero
20.00 El observador.
20.15 Torrealba y sus Torre-
alberos.
20.45 Esta noche Billo.
21.15 El matrimonio perfecto.
21.45 Los Defensores.
22.45 Noticias.
23.00 Cine en Español.

PA PROME SANTA COMUNION

nos tin
precioso

BISTIR pa
mucha
muher
KRANS
WAAL
MEA
SAPATU
etc. etc.

LA LINDA



CU UN

PERCOLATOR ELECTRICO.....



KOFFIE SABROSO
DEN UN INSTANTE!

PONEMENTO DI PIEDRA

Oranjestad, 27 April. - Dia dos
mei pa cinco or di atardi minis-
tro E.O. Petronia lo pone e pro-
me piedra riba e terreno di Dou-
ne Sport Vereniging. Esaki ta e
comienzo di e construccion di
un tennisveld pa e vereniging.
Lugar di e accion ta: Barcelona.

GRADKIMENTO

Pa medio di esaki nos kier expresa nos mas
sincera gratitud na Dr. Chan, Dr. Guda, ver-
pleegsternan y Soernan di San Pedro Hospitaal,
Pastoor Erkamp, Directie & Personal di Aruba
Commercial Bank, miembronan di Mascaruba,
tur amigo, amiganan, conocirnan y bisinjanan cu
na un of otro manera a yuda y muestra nan aten-
cion na ora di morto y entierro di nos jiu y ru-
mán muhé stima

LUCILA P. MARCHENA
(Q.E.P.D.)

Na number di: Fam. Fernando Marchena,
J.F. Bareño-Marchena.



PARTICIPACION

Compania di Electricidad "ELMAR" ta
participa na su consumidornan di corrien-
te, cu su oficinanan i su departamento
technico na Oranjestad i na San Nicolas
lo ta sera pa henter dia riba DIASABRA

2 MEI 1964.



Costruccion di "The Cactus Inn"

Oranjestad, 27 April. - Sr. Lo-
renzo Arends, kende kier traba
su cas cu e percela venido den
verl. Nassaustraat na un motel,
cu lo haya e number "The Cac-
tus Inn" a declara cu e ta spe-
ra, cu ya otro luna por cuminsa
cu e construccion. E motel lo
bin cu 19 kamer dobbel y dos
enkel. Tur lo tin aire-acondi-
cionado. E inversion di capital
necesario ta worde calcula ri-
ba dos ton. Eplannandi construc-
cion pa e "Lucky Strike Building"
di Mario S. Arends N.V. den Wil-
helminastraat no ta cla ainda, pe-

ro esnan cu ta envolvi tin bon spe-
ranza cu e plan di hotel aki tambe
lo sigui. E gastonan di esaki ta
worde calcula fl. 700.000.--

Consul di Panama

Oranjestad, 27 April. - Fin di
siman pasa durante un reunion
di cuerpo consular na Aruba a
keda nombra como presidente
di e grupo Sr. Don Ramon Gar-
cia de Paredes. Sr. Garcia de
Paredes ta consul - general di
Panama na Aruba. Na e reunion
aki a asisti un binti consul.

BOTICANAN DI WARDA

Oranjestad: Botica Aruba Tel:
1080-104p
San Nicolas: Botica San Lucas
Tel: 5119

CINE

De Veer: 8.30 p.m. "Girls, Girls,
Girls" all
Rialto: 8.00 p.m. "Serengeti
Shall Not Die" all
Principal: 8.00 p.m. "Diamond
Head" 18 j
Aurora: 7.30 p.m. "Yo Pecador" all
Savaneta: 8.00 p.m. "Paul Newman
is Hud" 18 j

TELEARUBA

5.30 Cartoons
6.00 Annie Oakley
6.30 Dutch Film
6.45 Papiamento Newscast Live
& Filmnews
7.30 The Flintstones
7.45 Papiamento Sportnews
8.15 I love Lucy
8.45 Have Gun Will Travel
9.00 English Newscast Live &
Filmnews
10.00 Dutch Film
10.30 Bold Venture

ARUBA

HARDWARE HUMOR



"... And it's only \$ 29.95 - But
I gather from the expression
on your face that you're loo-
king for something cheaper?"

CORDA BON CU PA VISE DI
TUR TAMANO Y PRIJS BOA-
DRES TA:

ARUBA HARDWARE C.V.
TEL.: 1057

POR FIN E AMOR VERDADERO

NOVELA

No. 23.

"Ta bon cu papa no por ten-
debo", Brigit ta tenta su ca-
sa. "No lubida cu dia nos a
cumpil un anja casa, el a ha-
ci masha cos pa mi. Pero toch
bo tin razon naturalmente, aki-
nan ta fantastico. Si mi habri e
bentananan mi por tende e pa-
haronan canta." "Y e ora ey
mi senjora chikito ta sinta son-
ja, y den su wowonan ta dren-
ta un deseo." "Awor bo ta gan-
jami toch. Awe mainta bo a bi-
sami, cu bo tin gana di sali cu
mi." "Si, y mi ta mira cu e
deseo ta worde cumpli pronto.
Bo tin hasta un peñon nobo!"
"Bo no ta gusté? E ta haci mi
un poco mas serio no?" Brigit
git a bolbe coy e penja y sigui
penja, y sonreindo Frenky a ke-
da miré. Frenky a sinta di tal
manera, cu Brigit no por miré
door di e spiel. Esta entusias-
má e ta, Frenky ta pensa. A-
sina cu mi papia di deseo, su
wowonan ta bira triste y su

mannan ta temblá. Hopi blaha
mi tin e presentimiento cu e
tin miedo di mi. Brigit tambe
ta sinta ta pensa. Mi spanto a
ofendé, Brigit ta pensa. Pakiko
mi mester ofendé asina? Sola-
mente un deseo e tin; e kier pa
mi stimé. Y pakiko mi no por
stimé? "Oká", mi ta clá. E
ta hasta bon asina." "E ta bu-
nita", Frenky a contesta.
"Laga nos bay bebe algo pro-
mé. Frenky su sonrisa tabata
asina alegre, cu pronto el a
lubida tur pensamientonan fastioso
E anochi ey a bira maravillo-
samente bunita. Despues di un
paseo largo, nan a dreña den
un bar íntimo. Frenky a pidi
champagna Frenky a jena Bri-
git su glas, y despues el a pidi
pa jena di dje. Ta net el a coy
e glas tene, cu di repente a
parce cu su dedenan a coy kram
E glas a cay foy su man y e
champagna a drama riba e me-
sa.... Promé Brigit a hari, pe-

ro despues el a drey mira
Frenky y a spanta. "Esta soke-
te", Frenky ta jama su mes.
"Despensami, mi dushi, mi ta
kere cu mi a bebe di mas." "Pe-
ro esey no ta nada Frenky. Bo a
dal bo dede?" Brigit kler a coy
su man tene, pero Frenky a cor-
re halé. Despues Frenky su ca-
ra a bira serio, y pa un rato el
a sera su wowonan. "Bo kier pa
nos ban cas?" Brigit a puntra
Frenky a trata di sonrei, pero e
no tabata por. Ora nan a lanta
para, Frenky tabata un poco to-
londrá, pero despues el a wanta
su curpa duru atrobe. Brigit a
ripara cu Frenky no ta gusta pa
e keda miré. Pesey el a cana
banda di dje, manera cu nada a
pasa. Ora cu nan a jega pafor, y
cu aire fresco, parse cu Frenky
a cuminsa sinti mibor. "Nos ta
bay cas na pia", Frenky a bisa.
"Despues di un fiestecita asina
ta net bon. Mayan mi ta busca e
auto. E ta keda bon eyan." Bri-
git no a bisa nada contra, pero
e tin gana di sa, ta kiko tapasan-
do. No por ta alcohol, pasobra
Frenky no a bebe di e tanto ey.
Kizas e ta malo? Mi Dios, pero
pakiko e no ta bisa nada. Duran-
te e dianan sigui Brigit mester
a puntra su mes e pregunta ey
varios blaha. Varios blaha Fren-
ky ta haya ataca, y maske cu e
haci su curpa balente, pa Brigit
no ripara, segun Brigit, e no por

tene nada bon den su man. Des-
pues Frenky su cara a bira pa-
lido. "Bo no ta sinti bon, Fren-
ky, Brigit a bisé un anochi, ora
cu el a bolbe laga un glas cay a-
bou. "Bo mester bay serca un
dokter." "No, dushi, no tin nada,
absolutamente nada". Pero ape-
sar di e siguranza aki, ta sose-
de varios blaha cu Frenky ta la-
ga su auto para y bay traha na
pia. Brigit tabata sa, pero e no
kier bisa nada tocante esey. Po-
co dia promé cu Pasco el a dici-
di di bay serca Gerd Hemer, pa
pidi conseho. "Aha famia Zee-
berg ta na bida ainda?" e dokter
a bisa. "Boso tin bopi siman sin
bin akinan. Boso no ta worry mas
cu nos no? Pero sinta un rato,
belleza". El a muestra Brigit un
stoel y a ofrece un sigaria. "Bo
a bini akinan pa casualidad?"
"No, mi mester di bo conseho.
Mi ta preocupa pa Frenky. Bo
no a mire ultimamente?" "Di
aleeuw, pero ta kiko a pasa?"
Brigit a conte loke cu e sa.
"Frenky sa cu bo a bini akinan?"
"No cada esfuerzo cu mi haci,
pa papia di su situacion, e ta ba-
ri y bisa cu no ta nada. E ta bisa
cu ta coy hobo e ta haci, pero no
ta asina. E ta malo, Gerd, y e no
kier admitti esey. Mi kier pidi-
bo pa bin examiné. Mi tin miedo,
bo ta compronde?" "Si, y
net esey ta loke Frenky no kier".
"Kier meen, cu ya el a bini serca

bo?". "Si, un dies dia e tabata a-
kinan, y for di e dia ey el a bini
varios blaha mas." "Y ami no sa
nada di esey! Mi ta su senjora,
Gerd!" "Naturalmente cu bota su
senjora, y bo ta bopi mas Bri-
git. Bo ta su Dios. Y pesey e no
kier dunabo preocupacion. Ami no
ta completamente di acuerdo cu
né, pero un hende den e situacion
manera dje, mester tin un bolun-
tad grandi." "Den su situacion?
Ta kiko bo kier meen? Ta asina
malo e ta anto? Mi Dios pero e-
sey no por ta posibel!" "E no
a bin di repente. Bo no ta corda
e verano aki, cu nos tabata hun-
ga tennis. Apenas nos a cuminsa
hunga, cu ja Frenky no por hunga
mas, y e mester pone suraket un
banda. Semper e tabata tin un bon
excusus, y door di esey mi no a ri-
para nada. Pero ya die dia ey el a
cuminsa, y cada luna e ta bira
peor. Awor ta solamente su man-
nan ta asina, pero tin chens cu su
brazanan, pianan y hasta su mus-
colonan worde afecta." "Pero
mester tin algo pa curé, Gerd. Y
rapido tambe". Pa un rato Hemer a
keda keto y despues el a bisa:
"Mi a sintá pensa hopi riba esaki,
y mi ta kere cu mi sa awor, paki-
ko e no kier bay na un clinica; ta
netamente pasobra e sa, conter-
ribe su situacion ta, y pesey ta,
e kier haci uso di cada siman y ca-
da dia, cu e por keda serca bo.
e ta sigui.

NP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG

lechl evaporado y lechl en polvo

MAXWELL HOUSE KOFFIE.



CISCO KID



pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta nã Aruba.



BUCHI ROBEZ



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION
FOR INCOMING, LOCAL, & OUTGOING CARGOES BY AIR, SEA AND LAND

DICK TRACY



Horoscopo personal

ARIES-21 di maart-20 di april- E dividendonan ta bai acumula caminda menos bo a speranan, asina ta cu bai cu masha cuidao caminda bo ta inverti bo placa.

TAURO-21 di april-21 di mei- Esaki ta un bon dia pa bo cuminsa un trabao nobo o e nobo di un bleuw. Mehora bo ingresonan.

GEMINIS-22 di mei-21 di juni- Esaki ta bai bira un di bo mihor dianan di luna, avalua bo situacion general, pensa claramente y despues bo hasi decisionnan pa futuro.

CANCER-22 di juni-23 di juli- Si bo prepara bo planan di acuerdo cu e reciente cambionan den e perspectivanan comercial, anto lo bo logra obtene un bon utilidad.

LEO-24 di juli-23 di augustus- Esaki ta un dia di cual bo no

mester sali di e via. Evita di confundir un cuestion importante mesclando bo mes den disputa-nan menor.

VIRGO-24 di augustus-23 di september- Protesta silenciosa no ta hiba bo ningun caminda. Papia cu e persona cu por aconsehabo.

LIBRA-24 di september-23 di october- Esaki ta un gran dia pa e esfuersonan di Libra en lo personal. Evita componendanan y tambe disputanan.

ESCORPION-24 di october-22 di november- Bo por progresa facilmente en lo profesional si bo ta dispuesto na scucha y no papia

SAGITARIO-23 di november-22 di december- Sagitario cu ta rinda facilmente lo lamenta despues. Apega bo mes na bo actual politica, pero rectifica e errornan.

CAPRICORNIO-23 di december-20 di januari- Cerciora bo mes di bo inversionnan. Quizas bo por hasi algu mehor cu bo a pensa. Busca e ultimo datonan.

ACUARIO-21 di januari-19 di february- Esaki ta un dia den cual lo bo obtene resultadonan sensacional, especialmente si bo laga e cosnan cohe un velocidad.

PISCIS- 20 di february - 20 di maart- Tur e cuestionnan comercial ta favoreci. Mantene e dede den e pulso di e situacion respecto e trabonan.

"BERLIN" DEN

NEVERA

WASHINGTON, 25 april - Ministerio Mericano di asuntunan exterior a laga su bosero declara cu no tin kestion cu Merca y Rusia den secreto a palabra di pone e kestion Berlín den nevera.

Loke a causa e desmenticon aki tabata e critica di dr. Heinrich Krone, president dje consejo nacional di defensa di republica federal, riba limitacion di forzanan Mericano di guerra na Aleman Occidental, y noticiannan di prensa cu a anuncia, cu na Bonn nan tin e impresion cu Washington y Moscu a haci un cita den secreto pa laga Berlin keda por lo pronto un banda. Segun noticiannan di prensa aki.

E recien anupcionan di president Jonson y Chibetsjev tocante rehaho di produccion di material bendible pa finnan militar a causa e idea aki.